



Datum: 11.03.2019.godine

PREDMET: Saopštenje za javnost

Poštovani,

U cilju objektivnog informisanja javnosti, a obzirom da je Gradski odbor SDA Gračanica stanje u Općoj bolnici u Gračanici okarakterisao kao potpuni kolaps želimo Vas obavijestiti o sljedećem. Povjereništvo Gradskog odbora SDA Gračanica je dana 10.03.2019.godine na Facebook stranici OO SDA objavio tekst „Saopštenje za javnost,, u kojem se navode neistinite informacije o stanju u Općoj bolnici u Gračanici, kao i direktoru i Upravnom odboru ustanove.

Na osnovu navedenog se može zaključiti da neistinite informacije potiču od pojedinih zaposlenika Opće bolnice Gračanica, koji su članovi SDA, a pretenduju da budu na rukovodećim mjestima kako u organima stranke tako i u našoj zdravstvenoj ustanovi.

Sve navedeno može se okarakterisati kao politički pritisak i grubo miješanje političke stranke u rad javne zdravstvene ustanove Opća bolnicu u Gračanici, što najoštrije osuđujemo.

U skladu sa programom Zavoda zdravstvenog osiguranja TK i Ugovorom o pružanju bolničke zdravstvene zaštite JZU Općoj bolnici u Gračanici gravitira 75 000 stanovnika.

U protekloj 2018.godini u Općoj bolnici u Gračanici je liječeno ukupno 79.790 pacijenata što je u odnosu na predhodnu 2017.godinu kada je bilo 77.499 pacijenata povećanje za 2,96%.

U istom periodu u 2018.godini izvršena 930.041 zdravstvena usluga što je u odnosu na isti period u 2017.godini povećanje za 7,58%.

Obavljen je 321 porođaj od čega je rođeno 157 dječaka i 164 djevojčine te su urađena 4468 ultrazvučna pregleda.

Agencija za kvalitet i akreditaciju u zdravstvu FBiH (akaz) nakon razmatranja izvještaja vanjskih ocjenjivača kao i zaključka Komisije za sertifikaciju i akreditaciju 12.01.2018.godine donijela je rješenje i izvršila akreditaciju JZU Opća bolnica "Dr.Mustafa Beganović" Gračanica u trajanju od 3 godine sa ispunjenjem 95,41% akreditacijskih standarda za bolnice čime smo postali prva akreditirana Opća bolnica u Bosni i Hercegovini.

Isto tako Agencija za kvalitet i akreditaciju u zdravstvu FBiH je 28.08.2018.godine, a na osnovu prijedloga Komisije za akreditaciju donijela Rješenje i izvršila reakreditaciju Odjeljenja Ginekologije i porodiljstava Opće bolnice Gračanica na period od 4 godine sa ispunjenih 93,90 % akreditacijskih standarda za „bolnice-prijateljke beba.

U 2018. godini završena je adaptacija i uređenje RTG i CT kabineta u prostoriji suterena Opće bolnice Gračanica koji je povezan liftom sa svim etažama ustanove.

JZU Opća bolnica Gračanica je 10.09.2018. godine dobila rješenje od strane Državne regulatorne agencije za radijacijsku i nuklearnu sigurnost za korištenje izvora jonizirajućeg zračenja (CT i RTG aparati) te su se time stekli svi potrebni uslovi za normalan rad uposlenika u radiološkoj dijagnostici, kvalitet i efikasnost u pružanju usluga pacijetima, a i takođe zadovoljstvo korisnika usluga.

Nakon završenog postupka javne nabavke u skladu sa zakonskim propisima i sufinansiranju Vlade Tuzlanskog kantona nabavljen je i stavljen u funkciju CT i RTG aparat.

Ministarstvo prostornog uređenja i okolice TK uz pomoć Vlade TK je finasiralo projekat toplinskog utopljanja objekta Opće bolnice Gračanica (ugradnja fasadnog stiropora sa završnom fasadom i zamjena stare dotrajale stolarije).

Posredstvom udruženja „Humatirane organizacije međunarodnog foruma solidarnosti Emmaus“ Doboj Istok Općoj bolnici u Gračanici donirana su tri hemodijalizna aparata kao i jedan ultrazvučni aparat.

Potpisivanjem Kolektivnog ugovora o pravima i obavezama poslodavaca i radnika u zdravstvu Tuzlanskog kantona i Kolektivnog ugovora o pravima i obavezama poslodavaca i doktora medicine i stomatologije Tuzlanskog kantona povećan je standard radnika u Općoj bolnici u Gračanici i Tuzlanskom kantonu.

U protekloj 2018. godini u skladu sa odobrenjem Federalnog ministarstva zdravstva 6 doktora medicine je upućeno na specijalizaciju i to iz: interne medicine, ginekologije i opstreticije, neurologije, opšte hirurgije, transfuzijske medicine i anesteziologije sa ranimatologijom.

Vinovnici teksta saopštenja za javnost gore navedenog političkog subjekta krijući se iza loga političkog subjekta navode neistinite informacije kako je Opća bolnica u Gračanici u kolapsu. Razlog tome jeste njihovo nepoštivanje radne discipline i narušavanja radnih obaveza, kršenja kodeksa zdravstvenih radnika što je rezultiralo da se protiv istih vodi disciplinski postupak (primanje i dijagnostička obrada pacijenata bez uputnice i zdravstvene legitimacije kada za to nije postojala indikacija, nepristojno ponašanje prema kolegama, odbijanje saradnje sa direktorom i drugim radnicima zbog lične netrpeljivosti). Razmišljanja o koalicionom poretku su pojedine radnike udaljila od imperativa hipokratove zakletve.

Upravnom odboru ustanove je podnesena žalba od strane šest doktora zaposlenika Opće bolnice Gračanica u smislu nepoštivanja odredbi Kolektivnog ugovora za jedan mjesec što je rezultiralo njihovim nezadovoljstvom između ostalog i isplatom dežurstva vikendom za isti mjesec koje je u visini prosječne penzije u FBiH, te da plata za taj mjesec nije isplaćena u visini preko 3000,00 KM, iako isti ne posjeduju akademsku titulu magistra niti doktora medicinskih nauka.

Ako je to razlog ili potecijski razlog, prijetnja ili politički pritisak prvo bi trebalo da razmisle o miljeu prosječnih plata visokog obrazovanja drugih branši u BiH, pa tek tada da donesu takvu vrstu odluke za koju prije svega smatramo da je imaginarna i klasično političko spinovanje u smislu prijetnji odlaska i napuštanja Opće bolnice Gračanica.

Nećemo dopustiti i koristiti ćemo sva moguća pravna sredstva kako bi spriječili da bilo ko narušava ugled, čast, dignitet naše zdravstvene ustanove, a nadamo se da i politički subjekti budu na istom putu i da ne dopuste da pojedinci koristeći logo i ugled pojedinih političkih subjekata radi prikrivanja vlastitih propusta, zloupotrebljavaju „položaj“ koji uživaju u istom političkom subjektu.

Također je u 2017. i 2018. godini proveden niz inspekcijskih pregleda od strane nadležnih inspekcija i Komisije Zavoda zdravstvenog osiguranja TK-a po čijim zapisnicima nije utvrđeno nenamjensko trošenje novca i nezakonito zapošljavanje.

Sve navedeno u tekstu Gradskog odbora SDA Gračanica je instrumentizirano od strane zdravstvenog osoblja koji su bili na izbornim listama ili su aktivisti te političke partije, a strukovno su načinili i čine niz medicinskih grešaka zato što su zaslijepljeni mogućom koalicionom participacijom, te zapostavljaju svoje radne obaveze i stim u vezi se suočavaju sa opravdanim disciplinskim mjerama.

Menadžment, Upravni odbor, Direktor, uposlenici zdravstvenog i nezdravstvenog usmjerenja su ovdje kako bi radili na ispunjenju strateških ciljeva naše zdravstvene ustanove kojoj je pacijent na prvom mjestu.

Sve resurse počevši od ljudskih, materijalno tehničkih uz ispunjenje akreditacijskih standarda, procedura usmjeravamo ka pružanju efikasne, pristupačne i sveobuhvatne zdravstvene zaštite korisnicima zdravstvenih usluga gravitirajućih područja Opće bolnice Gračanica.

S poštovanjem,



DIREKTOR

Almir Sakić
Dr. Almir Sakić, spec. anesteziologije sa
reanimatologijom